

大經鈔

第二

0931	貴	年
61	重	月
2	書	日
佛教大學藏書		
第	270622	号



贊佛偈 四十五下右

無量壽經

無量壽經鈔卷第二

盡正宗如來勸說

岡田眞之藏書

藏書

270622

望西樓沙門了慧述

九入涅槃相中示現等者非滅現滅故云示
現現滅利生故云拯濟故法華云為度眾生
故方便現涅槃憬興云攝論化身滅度有六
意一事究竟故二為除樂倒故三令捨輕慢
故四為生渴仰故五為身精進故六欲速成
就故法位消除等者諸漏即是生死之因德
本即是涅槃之因眾生見滅能厭有漏斷生

了
了
了

死因能欣圓寂修涅槃因是故示滅利衆生也漏者泄過無窮爲義如光記云漏謂漏泄即諸煩惱於彼苦集二諦相應法中所緣境中互相隨順互相增故比今舉三漏而攝三界百八煩惱一者欲漏有四十一謂欲界繫根本煩惱有三十於五部下三十六并加十纏如別釋二者有漏有五十二謂色無色根本煩惱於五部下六十二三無明漏有十五物謂於三界各有五故前所除之問釋尊入

滅歲數如何答異說不同婆沙論云八十年最勝王經云釋迦牟尼佛壽命短促唯八十年周書云壬申歲二月十五日於物尸那城七十九入涅槃四十二章經同之然婆沙論一百二十六云經說世尊留多命行捨多壽行其義云何有作是說諸佛世尊捨第三分壽有作是說諸佛世尊捨第五分壽乃捨第三分壽者欲說世尊釋迦牟尼壽量應住百二十歲捨後四十但受八十乃捨第五分者彼說

壽量應住百歲捨後二十但受八十至乃故由
此經言捨壽行至留命行者至乃有情化事未
終復留三月私云第二有說稱本願文第三
覺已入涅槃時我以三昧力故城都記云却
捨第五分所得壽命而入涅槃後三月者從正月一日至二月十五日兩白
一黑故云三月已依此等文從捨壽行而說
八十約留命行云八十一實不相違問何故
留捨答俱舍論云為顯於死得自在故捨多
壽行為顯於活得自在故留多命行唯留三

月不增減者越此更無所化事故減此利生
不究竟故已又婆沙云有說欲顯諸佛世尊
能伏眾魔留捨壽命證得無上妙菩提時已
伏二魔謂天煩惱今將證入涅槃界時又伏
二魔謂蘊及死伏蘊魔故捨多壽行伏死魔
故留多命行已七十九者見聞不同不須和
會但或會云案周記云佛當昭王二十五年
癸丑七月十五日入胎周昭王二十六年
甲寅四月八日周書異記周昭王誕生當

穆王四年壬午佛年三十成道私云周異記及五燈會元

同云癸未年三十成道同穆王五十四年壬申二月十

五日入滅私云五燈會元云穆王五十二年若從癸丑入胎

至壬申入滅即成八十入滅若約出胎以後

成七十九入滅上已雖有此義猶違婆沙縱雖

從彼入胎計之但八十故又授決集云又解

却後三月者從七月十六日後二黑一白西

域云九月八日涅槃故取意是亦違論論八十

外更留三月今八十內留三月故問釋尊入

滅何月日耶答異說不同涅槃經云二月十

五日臨涅槃周書長阿含云二月八日取涅

槃處胎經灌佛經云十方諸佛皆用四月八

日夜半時而般涅槃西域記云三月十五日

有部九月八日抄畧若依台宗亦是見別不須

和會若依寶師即有會通如俱舍疏云然涅

槃經第三十云如來何故二月涅槃善男子

二月名春春陽之月万物生長種殖根栽華

菓敷榮江河盈滿是時眾生多生常想為破

衆生如是常心說一切法悉是無常唯說如
來常住不變至乃陽春和液人所貪愛焉破衆
生世間樂故演說常樂我淨又云師子孔言
如來初生出家成道轉妙法輪皆以八日何
故涅槃獨十五日佛言至乃如十五日月無虧
盈諸佛如來亦復如是入大涅槃無有虧盈
以是義故以十五日入般涅槃善男子如十
五日月盛滿時有十一事何等十一一能破
闇二令衆生見道非道三令衆生見道邪正

四除鬱蒸得清涼樂五能破壞螢火高心六
息一切賊盜之想七除衆生畏惡獸心八能
開敷優鉢羅華九合蓮華十引行人進路之
心十一令諸衆生樂受五欲多獲快樂善男
子如來滿月亦復如是一者破壞無明大闇
二者演說正道邪道三者開示生死邪嶮涅
槃平等四者令人遠離貪欲瞋恚癡熱五者
破壞外道光明六者破壞煩惱結賊七者除
滅畏五蓋心八者開敷衆生種善根心九者

華西二
五
覆蓋衆生五欲之心十者發起衆生進修趣
向大涅槃行十一者令諸衆生樂修解脫以
是義故於十五日入大涅槃比三具足下結
嘆權實中亦爲二初結實德次遊諸下結權
德也文並可知二其所下嘆二利德中亦有
二初略嘆次菩薩經典下廣嘆初文亦二先
別明次如是下愍結初文亦四先嘆自行清
淨二譬如下明化行善巧三未曾下顯向自
行四愍傷下顯向化行初文可知次文亦二

初開辟次此諸下合辟初文中本學筆者幻
師本學諸幻術法通達明了依本學達今起
幻化起幻由學故云本學由本學明變化自
在故云在意次文中亦復如是者此有六意
謂諸菩薩合上幻師學一切法合上本學貫
綜縷練合上明了所住安諦合上在意靡不
致化合上所爲無數已下合上現像貫綜等
者憬興云貫通也綜集也縷詮也練陶也即
通穿群典集括事理詮表玄旨陶委衆疑義

寂云貫者通也綜者括也縷者委也練者精也淨影云綜習上所住等者憬興云智悲之境是權術之所遊故云所住心安境無錯妄故云安諦上已靡不等者淨影云致謂運致於一切處無不運化又致者是其感致令一切衆無不感化憬興全同或本云感化於義無違三顯自行中未曾等者所修之行何故清淨能生恭敬不高慢故所修之行何故無穢憶念不斷無放恣故四顯化行中愍傷等者所現

異像何故普現憐衆生故次摠結可知二廣嘆中亦分爲四下與科初依菩薩法修自分行次無量下依如來法修勝進行三供養下依自分成德四受持下依勝進成德初文亦二先明自利次名稱下明利他也初文中菩薩等者於菩薩法究竟通暢知能詮要得所詮妙次文可知二勝進中二初修內德次如來下嘆外德也初文中護念等者行入佛境故佛護念護故惡滅念故善生所住等者如淨影云

證行同佛所住法菩薩同住至乃教行同佛大
 聖是佛法界諸度是佛所立菩薩同住上
 證行是理教行是事如法位云佛住空無相
 理大士亦皆齊住至乃佛能立十二部經大士
 亦能隨分立教化生上次外德中亦二初明
 化相次通諸下明化德也初文中而作等者
 現行佛化化物同佛故為其師如台宗云法
 身說法尚令等覺斷最後品况初住耶上法
 身尚余况十地耶故云大師禪慧等者諸行

雖多止觀為要故以此法開導群萌次化德
 中通諸等者淨影云通諸法性是智正覺自
 在行也謂能通達二諦法性達眾生相眾生
 世間自在行也眾多生死故目眾生眾法成
 生亦名眾生若形若體種種相狀一切悉知
 明了諸國是器世間自在行也初句云通第
 二言達第三言明言之左右憬興破云智正
 覺下云達一諦其中俗諦可是餘二何別立耶
 取今救云既云通達二諦法性其法性者即

是真諦生界器界俗中別故舉要言之二界
之性名之真諦二界之相名之俗諦通達之
智名智正覺釋大行論云衆生世間者謂異
生性界器世間者謂所依止土智正覺世間
者謂佛菩薩上是故淨影所解無過憬興述
自義云法界無量行生界無量行世界無量
行抄略三自分成德中亦四初明修行方便次
亦無下明修行成德三住深下重辯起修四
超過下重辯成德初文亦四真先明自利修次

壞裂下明利佗修三超越下重辯自利四善
立下重明利佗初文中上之三句明修福行
下之二句明修智行猶如等者淨影辯於化
身徧至之速疾義法位憬興同辯化身之不
住義二義左右但看文勢既云現身猶如電
光順淨影意無畏等者淨影云又學無畏於
人不怯シメス曉了幻化於法能知簡邪取正名爲
善學達正過邪所以無畏以無畏智統攝諸
法乃擬用攝人故說爲網上言無畏者謂四

中惱嫉忿覆其過最重，又不定地法，八中睡眠障慧，惡作障定，其過最重，故立為纏。尋伺不重餘四本感，故不立纏。言四縛者，淨影云：欲縛有縛，無明縛見縛。至乃欲界諸結除無明見名為欲縛，上二界中一切煩惱除無明見名為有縛，三界無明名無明縛，三界諸見名為見縛。此師亦有一解：一切諸惑總名纏縛。云若依憬興八纏三縛言八纏者，於十纏中除忿覆也。品類足論及大乘中有此廢立。

言三縛者，貪瞋癡也。云菩薩教入離此煩惱，故名為解。三重辯中初句所起後句所入菩薩欲入大涅槃，城超越二乘偏小峻難入空無相無願之門，故憬興云欲入大涅槃必以三昧為門，故偏說此三。如瑜伽論云：我法無故空空，故無相無相，故不可願求。而有處云：空無相無願者，即共二乘行，故不相違。淨影云：眾生及法悉無自性，故名為空。乃至因緣相亦不有說為無相。此離所取遠離妄想能。

願之心故名無願上又俱舍論等中廣明云
然此三定通漏無漏世出世間光引正理云
於中無漏者名三解脫門能與涅槃為入門
故非諸有漏法是真解脫門性住世間違解
脫故上今經但取無漏之邊為涅槃門如法
果次第云涅槃城有三門謂空無相無作上
得入涅槃故名解脫門亦云三三昧上但三
昧即是當體得名解脫從能通之用以受稱
也上四重明中善立等者若依憬興自下即

有三業方便初一句是意業方便隨順諸佛
尋三乘故次一句是口業方便分別一乘說
三乘故後二句是身業方便於二乘法現滅
度故若依淨影但有二業謂初一句意業方
便次之三句皆約口業故彼疏云顯示三下
是化他行顯示三乘說三乘因就大分小名
示三乘於此中下而現滅度說小乘果緣覺
名中聲聞名下於此二中說有涅槃名現滅
度此等即是口業方便上今詳兩師其義左

右若按經文興師最勝謂準上云示現滅度
今現滅度定可身業諸口業說皆收顯示三
乘句竟何重更說中下涅槃上下文同義理
極成若就義理淨影最勝所以菩薩欲引權
機且說二乘偏真涅槃中下聞之即息化城
若不說有涅槃可證二乘何入故別顯也現
滅度言上下雖同其意即別不可一槩如天
台云梵經語語言雖同其心則異又如上云普現道
教以說名現今亦可余何云身現問方便義

何答淨影云方便之義汎論有四一進趣方
便如見道前七方便等進趣向果故名方便
二施造方便如十波羅蜜中便波羅蜜巧修
諸行故曰方便三權巧方便如二智中方便
智等權巧攝物故名方便四集成方便諸法
同體巧相集成故云方便至乃今此所論權巧
方便於權巧中方便有三一身業方便權形
異現如觀世音至乃應以佛身得度者即現佛
身而為說法如是一切二口業方便隨化衆

生種種異說至乃三意業方便謂方便智隨化
衆生種種異解懽興云方便雖多此中方便
即巧權之名上已今權巧者同淨土論方便門
也論云依方便門憐愍一切衆生心遠離供
養恭敬心故同註云正直曰方外已曰便依
正直故生憐愍一切衆生心依外已故遠離
供養恭敬自身心故上已又如台宗立三方便
一者法用方便有外之權二者能通方便外
之權能通一三者秘妙方便體內之權今之
實之弄引故

方便若摠四車即當前二云示三故若摠三
車亦通秘妙三乘之中有佛乘故二修行成
德中亦二初明自利德次宣揚下明利他德
初文亦四先明所證平等次具足下明所成
衆多三廣普下明所證深廣四得佛下明所
成奇勝初文中亦無等者淨影云亦無所作
無因可作亦無所有無果可有言不起者無
淨可起言不滅者無染可滅得平等法約理
辯證名前無作無所有等為平等法證會名

得憬興破云此亦不然因有功能故非無所
作果藉緣有故非無所有故此此破何救今
試救云上利他中假立因果仁王經大般若同之今明所證還空
因果因果空義實教所談如般若云因空佛
果空空空故空又大師云一切皆空生死無
為亦空凡聖明闇亦空此然憬興述自義云
無作無有者即事平等也不起不滅者理平
等也無實作用故無所作不能自生故無所
有此次衆多中具足等者若依淨影憬興意

者具足等言流至下之諸根智慧若依義寂
流至惣持非今所用淨影云得陀羅尼行德
多也百千三昧諸根智慧餘德多也信進念
等名爲諸根若通論者一切善法悉名諸根
憬興云惣持雖通定念正是慧性故百千三
昧即惣持所依至諸根者六根清淨此諸菩
薩位十地已得自在六根互用故上三深廣
中廣普等者廣證寂定於一切法不起妄想
所證廣也深入真藏達大乘法所證深也四

奇勝中華嚴等者淨影云如華嚴說彼一三昧統攝法界一切佛法悉入其中上華嚴經三十八云普賢菩薩正受三昧其三昧名佛華嚴入三昧已十方一切世界六種十八相震動乃出微妙音一切世界無不聞者瓔珞經云吾先於第三禪中集八禪眾說一生補處菩薩入佛華嚴三昧定百萬億偈今以略說一偈之義說華覺菩薩文又憬興云佛地功德能嚴佛身故云佛華嚴嘉祥大同然探玄記云一釋

名者以因行華嚴感果相令顯著故二體性者法界行門心海為體以等持廣大無限量故上釋名似與體性似影各據一義不可偏執二利他德文可知矣三重辯起修中為二初起自利修次濟諸下起利他修初文中住深等者依住深定發天眼通見十方佛過未諸佛非是所對故云現在發神境通一時徧至故云一念至土見佛能生福智故自行廣次文中濟諸等者諸師異解淨影云此八難

中三途為劇苦薩濟之人天苦微名曰諸閑
菩薩勲化故曰不閑義寂云劇難者謂至乃三
惡趣難八難中此最劇故又此一向墮難劇
故至乃人天趣中非難處者名為諸閑以容能
起諸聖道故隨難處者名為不閑以無容起
諸聖道故法位云二乘於救生閑大士則不
閑凡夫於修閑大士則不閑又二乘凡夫於
無上菩提閑大士則不閑憬興云八難名為
劇難兼非想天更有業惑二種障者名為不

閑若非八難及無難障者皆曰閑比今之所
用憬興義也寂亦無失七難之義如傳通記真實際者
指真如法辯才智者指四無導佛不共德故
云如來菩薩分證故云得矣法界次第云菩
薩若能現種種神通變化則一切見者無不
信伏衆生既起敬信若欲闡揚大道必須無
導辯才至於此四法智慧捷疾分別了了通
達無滯故通名無導智也已入衆等者淨影
云入謂解也謂解衆生種種言音用之起說

開化一切憒興云得解語言三昧起法說故
入者解也比所言言音影約所化興約能化
今準理者辯才內滿巧言外發解衆生音說
種種法各述一邊不可偏執四重辯成德中
爲二初明成自德次於一下明成化德初文
中超過等者憒興云過世間者申斷德過二
死故乃住度世道者標智德並成二智故至
諦者安也度者出也淨影次文中隨意等者
依成智斷能得勝進故云自在以自在德能

利衆生名不請友利物爲懷故名荷負衆生
迷重故成重擔庶謂凡庶類謂品類衆生無
量其類甚多如法苑珠林云十二遊經云魚
有六千四百種鳥有四千五百種獸有二千
四百比畜類如此六道應知四受持下明依
勝進成德中爲二初明所修行次一切下明
所成德初文中亦二先明自利修次興大下明
利他修初文中受持等者受持法藏修其妙
解護佛種性修其妙行解行具備除障生善

如淨影云受持法藏明修勝解如來性是佛
如來甚深法藏闇障既除明現已心故曰受
持護佛種性明修勝行法界諸度是佛種性
護使離障起善無間名常不絕上已又憬興云
受持佛教令久住世有性之性依之殖善故
使不絕即同上生云汝善受持莫斷佛種也
上已然有性文其義稍權安有性言簡無性故
佛性論云有經中說一闡提二身者一令法
身得生二令加行得長修行菩薩行故復有

經說一闡提眾生決定無涅槃性若余二經
便自相違會此二說一了二不了故相違言
有性者是名了說言無性者是不了說故佛
說不信樂大乘名一闡提欲令捨離一闡提
心故說作闡提時決定無解脫上已圓覺經云
有性無性齊成道上已彼師所解當不了故次
利他修中亦三初明法次譬如下開譬三於
諸下重顯慈悲初文中授法眼者淨影云教
法生解名授法眼憬興云如說而行必入聖

地得法眼淨淨即慧眼遂體之名也比今且
用淨影開善門者人天為善黎庶者嘉祥云
黎之言民庶之言眾比註文選云黎庶眾民
也廣韻云黎良奚反眾也庶商暑反又眾也
次開辟中愛敬等者如憬興云事父唯敬於
母亦愛故慈若敬父樂可尊故悲如愛母苦
可愛故比問起信論疏象香云愛而非敬如其
夫妻敬而非愛如其君臣愛敬俱有如其父
也取意孝經意亦父兼尊親何云唯敬答父雖

有愛不及愛母故且屬無辟如君王雖非無
愛不及父故偏為尊也此中闕合今合辟者
慈合敬父悲合愛母三重顯慈悲中於諸等
者淨影猶屬辟憬興名合辟故淨影云喻中
兩句初如孝子愛敬父母影前慈厚於生若
已顯上悲深比此釋未了何以菩薩慈悲還
喻菩薩慈悲又憬興云於諸眾生視若自己
者述云此後合也若已者意在如自一子即
涅槃云視諸眾生猶如一子是也慈悲憐傷

如已子故上已此釋恐似自語相違辭中以子
譬於菩薩以其父母譬於衆生合中以子合
於衆生以其菩薩合父母故今謂不尔此文
重顯同體慈悲謂諸菩薩視於衆生如自身
故二所成德中初句福智因次句福智果福
智行因必至涅槃故云皆度次之二句福德
莊嚴後之二句智慧莊嚴度者興云至也聖
者頌疏云聖者正也三如是下摠結數量淨
影云此等悉為影響顯法是故來會為法心

同故來一時上已問何無雜衆答略而不列覺
經流通云佛說經已諸菩薩阿羅漢諸天帝
王人民皆大歡喜莊嚴經云天龍八部上已五
尔時下正明發起中有三雙六重初如來現
相次尊者下阿難請問初三於是下如來審
問四阿難下阿難實答雙二五佛言下如來嘆
許六對曰下阿難樂聞雙三初文中諸根悅豫
者淨影云眼等五根同現喜相名根悅豫姿
色清淨示現喜色色無慘感故曰清淨言光

巍巍重顯喜色言顏巍巍重顯喜相巍巍是
其高勝之貌影與同之摠而言之色光是顯色根
顏是形色顯形二色皆現悅豫豫者余雅悅
預喜樂也豫亦安也憬興云亦作預念也私
云光顏巍巍非重顯上喜相喜色準下法藏
嘆佛偈者光巍巍者佛光炎明無與等也顏
巍巍者佛身尊特超世倫也是故次下或云
威容顯曜或云光光乃尔故上二句顯其喜
相次一句顯光身勝也學者思擇問書曰賢

人喜怒不出色焉大人猶尔况如來耶是故
如來得三念住於違順境不生憂喜如俱舍
論云諸弟子衆一向恭敬能正受行如來緣
之不生歡喜捨而安住正念正知是謂如來
第一念住諸弟子衆唯不恭敬不正受行如
來緣之不生憂感捨而安住正念正知是謂
如來第二念住諸弟子衆一類恭敬能正受
行一類不敬不正受行如來緣之不生歡感
捨而安住正念正知是謂如來第三念住上已

世尊既得於三念住何故悅豫答如淨影云
喜有兩義一念弥陀所成行德可慶故喜二
念眾生得益時至故生歡喜憬興云五根皆
顯喜相以表淨土快樂無間故至乃色無慘感
以表佛土無眾苦故義寂云將欲宣說奇特
之法是故先現非常相也已雖有此釋未顯
佛意夫如來實雖無歡感為顯本意示現悅
預玄義分云諸佛大悲於苦者心偏愍念常
沒眾生是以勸歸淨土已釋尊大悲偏愍常

沒常沒出離唯在往生往生佛顛今將宣說
出世本懷時亦已至何不悅預如觀經云尔
時世尊即便微笑大師釋云此明如來以見
夫人願生極樂更請得生之行稱佛本心又
顯弥陀願意因斯二請廣開淨土之門非直
韋提得去有識聞之皆往有此益故所以如
來微笑也已彼此俱暢大悲本懷故同現喜
但至難者如元照云佛無悲喜者據自行也
示歡喜者約化他也已次請問中亦二初性

現相異昔次唯然下彰已所念初文中承佛
聖旨者此承如來意力加被故偏袒等者義
寂云整服以顯懇誠上已長跪者憬興云雙膝
著地上已歸敬儀山南云經中多明胡跪互跪長
跪斯並天竺敬儀屈膝柱地之相也至乃佛右
手按地以降天魔令諸弟子右膝著地言互
跪者左右兩膝交互跪地有所啓請悔過授
受之儀也佛法順右即右膝柱地右髀在空
右指柱地又左膝上戴左指柱地使三處翹

曲身前就得心有專志請悔方極此謂心隨
身行慢失矣又云跪者謂尻不至地斯正景
也僧是丈夫剛幹力立故制互跪尼是女弱
翹苦易勞故令長跪兩膝據地兩脛翹空兩
足指指地翹身而立者是也經中以行力經
之苦弊集身左右兩膝交互而跪經中此立
亦有兩膝至地白佛者言胡跪者胡人敬相
上已淨鏡等者此有異解淨影云鏡光外照名
為影表外照之光明顯鏡內名為影裏佛身

如是光明外照所施之光顯耀佛身各影表裏嘉祥云表裏者表語其形裏明心悅懽興云鏡光外照名為影表即同佛身光明外舒影暢表裏即舉已所視也上已所視者淨鏡中非面像實淨是依鏡緣還見自面然遍計情見鏡內實淨我面像今從情量以譬佛光故云已視今之所用淨影義也次彰念中亦三初啓佛令知次今日下念佛所得三去來下念問佛所為初文中唯然者淨影云唯是

專義彰已專念至乃然謂亦也彰已心中所念實亦上已次文中任奇等者淨影意云初句是揔佛所住法起餘人故名奇特法後四是別於此別中初句自德即是涅槃諸佛同住故云佛住於世為猛故名世雄次句利他謂四攝等住此行故導入見正故名世眼第三句自德即是菩提住此能知諸佛之德於世莫勝故名世英第四句是利他之德所謂十力四無畏等行之度物五天中上故名天尊言

五天者依涅槃經一者世天天王名二者生

天三界三者淨天四果四者義天菩薩能解

五者第一義天如來解知佛義寂意云第一

妙色功德相好無倫第二寂靜功德護根按

惑第三勝智功德知世非世第四正行功德

利自他行第五威德功德神通遊戲以此等

義各得佛名憬興意云世尊等是標佛異名

奇特等是釋其義也謂依神通現相奇特故

名世尊安住三昧制伏眾魔故名世雄雄猶健也

能具五眼引導眾生故名世眼住於四智孤

秀無匹故名世莫第一義天解知佛性不空

之義故名天尊法位各據一義並有其理然

而今且可依淨影矣三念問所為中亦二初

念所為次何故下問所為也初文中相念等

者如淨影云去來現下念佛所為勝諸如來

是所為也佛佛相念舉餘類此得無今佛念

諸佛耶惻此因餘耶者是其不定辭以理測

度未敢專決是故言耶憬興次文可知寶積

經云世尊今者入大寂定行如來行皆悉圓
滿善能建立大丈夫行思惟去來現在諸佛
世尊何故住斯念耶上依此之文我今思惟
佛佛相念釋尊何不知諸佛現相耶然今起
過諸佛而現此之奇相有何故耶光光者憬
興云光光者即顯曜之狀也梵網疏天台云光
光者盛義也上三四兩科其義可知五如來
嘆許中亦三初嘆所問次阿難當知下對前
請問三阿難諦聽下明勅聽許說初文亦三

先嘆慧問次如來下舉佛出難值三今所下
嘆所問益多初文中發深等者淨影云發深
智慧嘆其問智向前念佛五種功德名發深
智真妙辯才嘆其問辭向前嘆佛住於五德
名真妙辯辯實名真言巧稱妙言能辯了語
能才巧故曰辯才愍生問義嘆其問心亦得
名為嘆問所為阿難向前舉佛五德而為請
問此之五德以慧為主名問慧義憬興云稱
佛之五号故發深智慧將五住之德歎五号

之義故真妙辯才餘義全次難值中亦二初
法次猶靈下辟初文中無蓋大悲者或本云
無盡淨影憬興義寂同用無蓋為正玄一盡
本為勝淨影云佛悲殊勝不能蓋上名無蓋
悲同興寂矜猶憐也光闡等者教法利人名為
道教證理益物以為真實光廣也闡暢也慧
施也或本欲拯已下十字改為八字謂普令
群萌獲真法利云語異意同次辟中靈瑞華
者梵云優曇波羅大菩薩藏經云此葉似梨

菓大如拳其味甘無華而結子亦有華而難
值故玄應音法華文句云優曇華者此云靈
瑞三千年一現現則金輪王出已妙樂云金
輪王出大海減少金路現時此華乃出作金
輪王之先兆已又憬興云帛謙皆云如世間
有優曇樹但有實無有華也天下有佛乃有
華出耳今言靈瑞者即存震且之名時時者
希出之義以善時出故已問此靈瑞華為木
為草荅云三益多文可知二對請問中亦二

初述成請問次所以下舉因結果德初文亦
二先述阿難所問次以一下述阿難所見初
文中如來等者此有五句初一句總後四句
別是則述成前之五德謂如來覺述前奇特
正覺即是佛所得故其智難量述前佛住佛
智能證涅槃理故多所導御述前導師以四
攝等導衆生故慧見無身述如來德如來德
皆慧為主故憬興對最勝道無能過絕述最勝道善
提勝故不為他人所止抑故憬興對如來德過絕者

音義云余雅過止也今以逆相止為過蒼頡
篇過遮也憬興云過阿達及塵也絕抑也上
次述所見中一食等者問為佛所食將為因
位施食功力若佛食者佛壽長遠必由因位
施食功德故最勝王經壽量品云若人住億
劫盡力常築數亦復不能知世尊之壽量不
害衆生命及施於飲食由斯二種因得壽命
長遠上若施食者既云一食知佛所食化佛
應作由食住故答異義不同憬興云一食之

力者即施食也。此舉因位施食修因。今看經文果既據實明壽無量。因豈約假說示現食。故興師釋有其理也。但一食者小因大果。然自餘師皆云佛食故淨影云以一食力能住壽等約化顯實隨化示受。一食之力能住多劫身無衰損明佛體常。此釋亦無失顯自在德。故言示受者如來雖實無食。事應同衆生示現受食。故云示受。又法位云凡食有。四種一不淨依止食。謂芥果。凡夫二清淨

依止住食。謂諸羅漢三淨不淨依止食。謂上界及有學。四能顯依止住食。謂佛世尊但顯如來假食住身。而佛實不食。然獻佛食時。諸天傳接將去散施群生。同之問釋尊壽命八十入滅。何云無量。答豈不前引方便現滅。如最勝王經云釋迦牟尼佛壽量無限。云何如來示現如是短促壽量。欲令衆生見涅槃已生難遭想。於佛世尊所說經教速當受持。不生謗毀。是故如來現斯短壽。無

數無量者攝大乘釋論云不可以辭類得知
為無量不可數知為無數上已復過等者有云
億百千劫以為所起無數無量為能起也云
今謂不尔億百乃至無數無量以為所起故
云過此是則為顯無限量也例如法華云如
是諸世界無量無邊至乃是諸世界至乃盡以為
塵一塵一劫我成佛已來復過於此上已諸根
等者已下述成前之三相謂初二句述前所
見諸根悅豫次一句述姿色清淨後一句述

光顯巍巍二舉因結果中定慧等者淨影云
定止慧觀此二行要為是偏舉餘皆從之至乃
定慧究竟故名為究通暢自在故名為暢廣
寬無邊稱曰無極憬與同之定究暢故得前三相
慧究暢故得前五德二因既滿無德不圓故
於諸法得最自在言自在者如釋籤云八自
在者大論名八神變大經名八自在我言神
變者無而歛有有而歛無言自在者不謀而
運一切無尋故與大論義同名少異乃至廣三

許說文可知六阿難樂聞中唯然者如玄贊
云唯承然諾也上已即此意也欲聞者玄一云
十地論云聞法人者如渴求水如飢求食上已
上來摠釋序分已竟

大文第二佛告阿難乃往過去下明正宗中
依淨影疏大分為三初明所行即是弥陀因
位願行二阿難白佛法藏比丘下明所成即
是弥陀果位身土三佛告阿難其有衆生下
明所攝即是弥陀現在利物又依宗家細分

為七初明勝因二阿難時彼下明勝行三隨
其生處下明勝果上來淨影所行文也四阿難白佛法

藏比丘下明勝報五又其國土七寶下明極

樂上來淨影所成文也六佛告阿難其有衆生彼國

者下明悲化七佛告阿難汝起更整下明智

慧上來淨影所攝文也二七兩科開合雖異其義是同

今頌以三為其大科七為小科

第一明所行中即有三初明勝因次明勝行
後明勝果初文為二先明發願緣次時有國

王下明發願相初文亦二先指初時次錠光
下列舉諸佛初文中乃往者玉篇云乃猶往
也又云往猶昔也無央數劫者憬興云梵云
阿僧祇此云無央數王逸云央盡也玄一解
脫經中說六十數增之十第五十二名阿僧祇
依俱舍論於中除八成劫無數非算數不及
故名三無數然寶積云過阿僧祇無數大劫
故積大劫八十為無央數亦積無數以為無
量不可思議是故所運劫數極遠所言劫者

具云劫波此翻為時二列佛中亦二初列已
滅佛次余時下舉所值佛初文亦二先列次
如此下結也初文中錠光等者梵云提瑟羯
羅大殊陀此翻然燈寶積莊嚴今翻錠光覺經
語異義同蓋是譯者異稱而已又玄一云有
足曰錠無足曰燈翻譯名義集云撻華云錠
音定燈屬也比然孟蘭盆記元云定光遠古
佛也未見解釋今以意求寂而常照故曰定
光舊記云即是燃燈定合作錠有足曰錠無

足曰鐙。今詳錠字自贊爲石或替定者乃錫之屬。又錠與鐙自是食品亦非燈也。上已問今錠光佛即燃燈者爲是釋迦二僧祇滿所值。燃燈將爲別佛。若言同者釋迦菩薩蒙燃燈佛授記之後。逕一僧祇九十一劫。錠光以來。既是無量阿僧祇劫。彼近此。又豈一佛耶。若言異者。大論第九明授釋迦記之佛云。如燃燈佛生時。一切身邊如燃燈太子作佛。亦名燃燈。舊名錠光佛。上已是故玄一智光證真皆

存同義。答異義不同。憬興先舉同名同體同名異體。兩師義已而立。亦同亦異之義。同名爲同異體。爲異。故今錠光非彼釋迦受記燈。今謂同名異體佛也。故義寂云。於餘經中釋迦第三阿僧祇劫初所值佛名爲燃燈。亦名錠光。今此列是彼佛理。準應非何以得知。然法藏菩薩過彼佛已五十三佛。然後乃值世饒王佛。於此佛所始發大願。經不可思議兆載永劫。然後成佛。已來於今十劫。由此故知。

非彼錠光上已但大論文舉其異名非論佛體
餘師所解用否在時何況興師雖立亦同亦
異之義還是同名異體義也學者思擇問直
應舉彼所值之世自在王佛何故先列五十
三佛答憬興云從錠光來漸有攝受淨土行
故上已問如下說者法藏發心在錠光後淨土
之行何在余前答發心重重何守一隅智印
三昧經云念燃燈佛前過八十億劫有佛名
月髻說此三昧上乃有轉輪王号曰慧起王上乃

王有千子上乃余時慧起王阿彌陀佛是時王
千子者則賢劫千佛上已依此經說弥陀發心
在燃燈前知燃燈來願行相續又案悲華經
無諍念王有千太子皆同發心寶藏如來記
念王云無量無邊佛滅度後過一恒沙阿僧
祇劫入於第二恒沙阿僧祇劫當得作佛号
無量壽云發心已來過恒沙劫定知錠光在
發心後即與三昧經其意相似也次有如來
者問今經及以平等覺經從遠向近順列佛

出然寶積云過阿僧祇無數大劫有佛出現
号曰燃燈於彼佛前極過無量有苦行佛興
出于世苦行佛前復有如來号為月面乃至
如是等佛出現於世相去劫數皆過數量乃至
世主佛前無邊數劫有佛出世号世間自在
王如來莊嚴經同之此之二經從近向遠逆次列
之相違如何答自在王佛若最初者其時極
遠弥陀正覺何但十劫法位諸尊等最後燃燈猶過無量
阿僧祇劫况最初耶是故諸師皆依此經自

在王佛以為最後但彼二經恐不正歟問梵
本惟同譯人達三何有如是水火之異答翻
譯不輒自有異歟如釋籤云安師云譯經有
五失及三不易譯梵為秦如嚼食與人令嘔
噦補注云涉茲五失三不易譯胡為秦可
不慎乎什法師云天竺國俗甚重文藻但改
梵為秦雖得大意殊隔文體有似嚼食與人
非徒失味乃令人嘔噦也比次結文可知二
舉所值中世自在王者是別号也義寂云舊

本名樓夷巨羅此存梵音翻之名為自在王
憬興云於一切法得自在故玄一云世間利
益自存故言世自在亦言世饒即自在義為
王也已如來應供等者是通号也淨影云佛
德無量依德施名名亦無限經隨一數略列
十種已於此十号異解甚多且依淨影解釋
之者一如來者乘如實道來成正覺故名如
來法位二應供者證滅相應故名為應又證
滅故合應供故云應供三等正覺者餘經中

亦名正徧知語異意同謂等者徧義覺者知
義義寂意云亦名三藐三佛三者四明行足
者證法顯了故名為明止觀名行龍樹說戒
定慧名行此二圓具故名為足五善逝者逝
是去也如來好去故曰善逝雖無去處非不
能去如劫盡火雖無所燒非不能燒故得名
去辨云上昇究極永六世間解者化他之智
能解世間名世間解七無上士調御丈夫者
能調物心自調調他調御中極故曰無上士

者是其人之別稱此無上士善能方便調伏

衆生名調御丈夫法位云於諸法中涅槃無上於衆生中佛亦無上唯

佛能證無上之法故名無上佛以大慈大悲大智有時較美語有時苦切語以此調御令

不失道故八天人師者能以正法近訓天人

名天人師義釋法位同之九佛者自覺覺他覺行窮

滿故名爲佛十世尊者佛備衆德爲世鎮重

故号世尊此十号中前五自德後五利他初

自德中初二如次道圓滅極是爲一雙次二因圓

如次解圓與行圓也後一果極亦爲一雙次利他

中初一化他智次二化他能次一化他德此

四是別後一揔也亦爲一雙又要法下卷文委釋十号

云問瓔珞下云七無上士八調御丈夫涅槃同之

相違如何答大論說十号中云以是調御爲

無上喻伽同之故輔行云大論合無上士與調御

丈夫以爲一句上已是爲常說彼瓔珞等經論

異說非適今也問若尔何故涅槃疏章安云涅槃

槃釋論以無上士與調御丈夫開爲二号義

亦依大論爲二号答此義難知但補注云此與光明

卷一百一十一

文句及輔行不同，恐章安誤耳。上或復大論有兩說，歟？學者勘之，問新經皆云無上丈夫調御士，相違如何？答各據一義，並不相違。故玄贊云：新翻云無上丈夫調御士，舊云無上調御丈夫，智無等故，無過上，故名無上。於現法中，佛身具相好，是丈夫，又多分調御無量丈夫，最第一，故極尊勝。故由此後釋，舊云無上士調御丈夫。上已問寶藏佛與自在王佛前後如何？答寶藏前也。如玄一云：未見誠文以

義準者，寶藏是先自在，為後瑜伽等說發大心，已運三僧祇成等正覺。然寶藏佛記云：過一恒沙僧祇劫等。今此經中不言運劫，故寶藏先自在。王後問既云三祇，何故寶藏佛時發心，經云所劫？答三僧祇者，拾起行時，若雖發心，或時行退，或時行息，通取此等經無量劫，故無相違。抄略此義可然。例如彼云：三生六十擾相續，修若有間，斷無妨多劫。文光又慈恩云：善心相續，劫滿三祇。上已二時有國王下明

發願相中亦二初明地前世間發心次佛告
阿難法藏比丘下明地上出世發心此依淨影問
看經現文尋發心外無別發心是故憬興破
於淨影二重發心唯立一重還名略廣淨影地上
文興師此師順經何不依用答二重發心非
獨淨影又則義寂玄一同判然如經者下起
發願即是地上所以者何法藏比丘尋發心
後請淨土行而云斯義弘深非我境界等明
知法藏在於地前請地上行若不介者何云

非我境界等耶故淨影云此前所請出世之
行其義大深非我境界為是次請已然佛答
請說出世行法藏聞之即超發願豈非地上
之發心耶故玄一師引淨影釋而證五劫後
入地上然憬興師破淨影云地上菩薩念念
常修利諸衆生淨佛國土不應五劫專修受
淨土行故又云法藏蓋是十向滿位菩薩故
五劫修行淨土之因初劫行滿故云攝取上已
此釋不許地上發願此未盡理豈以地上通

途行相妄抑大悲不共願志何況亦違我宗
賢祖變感二師地上發願故不依用也又解
悲華經說初住發心此經但明初地發心看
經文勢尋發心外無重發故世起異文可初
地故是故驚師判聖種性感禪師釋十地聖
人恐此意歟然偈頌中即有身土攝生之類
亦發國土第一等願容是別願之預動起次
下長行請淨土行四十八願本意將遂如來
不許云自當知是則初地自分願故法藏重

請云非我境界等起世之本願選擇不輒故
如來答請時法藏悉聞見經五劫思惟攝取
起世願故云起發無上殊勝之願等也淨影
等師未作此解今述異解恐慮甚多學者思
擇云初文亦四先明聞法發心二棄國下明
出家修道三詣世下明詣佛禮拜四長跪下
明讚佛發願初文中時有國王者未知王名
但覺經云世饒王聞經修道歡喜開解便棄
國位行作比丘名曇摩迦留上比義寂引此文

已云準彼經文世饒王者亦名法藏在俗時
名然此中言世饒王者即是世自在王佛也
比有云覺經不正也依有王字以佛名而為
所化名是譯者誤云此義非也無明據故又
玄一云法藏者此出家名所聞法教護持不
失故名法藏俗名龍珍王此王入山修道時
中臣之二女隨入學道一名祿波那二名洗
澤河法藏山南二女山北然修行彼時國王
成今弥陀彼祿那今是觀世音是洗澤河今

是大勢至是也比問悲華經中佛名寶藏王
名無諍念王與今為同異耶答佛王俱別時
分異故故玄一釋二佛別云一佛名即別故
二所化名別謂彼時無諍此時法藏故三在
家出家別謂彼時在家此時出家故四思惟
淨土行別時別謂彼時七歲此時五劫故五
男女別謂彼時觀音大勢至曾作輪王之子
此時作臣之女故比問若尔何故大經釋
云時有國王離垢淨王歟無淨念王歟所詮

卷四十二
四十二

一體異名也。比答不分今昔同，是弥陀因位名。故云一體，歟。是猶預釋，不可定量。尋發等者，淨影判云：地前世間大菩提心，義寂云：今以理準寶藏佛時所發心者，是信發心。於世饒王佛所發後二種發心，五劫思惟以前發解發心，五劫思惟以後發證發心。比雖有此釋，未知三賢之中何位。然玄一云：瑜伽顯揚等皆云：發心有二。一、世俗發心，謂地前發心。二、得法性發心，謂地上發心也。若依佛性論

有三發心。一、信成就發心，謂十信十解。二、解行發心，謂十行一迴向。三、證發心，謂初地以上。此云發心者，二中是初，三中第二是也。又云是故遠云：此中有二。初明世間之行，二至乃明出世行。地前所行名爲世間，地上所行名出世間。下明出世行中，至乃既經五劫能入地上是故明知是十迴向之末。上憬興亦判十向滿位。問若余何云與世超異。既云世超，知超地前世間位也。答下文既指地上聖行云

非我境明知地前但世起者世猶代也非指地前例如下文讚佛身云超世無倫故淨影云此德孤出名世起異懽興同之又解是初地故云世起異一義也問據法華經弥陀亦值大通發心與今發心前後如何答惣論又近今發心近寶藏少遠已釋向大通最遠所以者何寶藏授記云恒沙劫大通往事三千塵點沙劫極少塵劫極多前後可知問觀佛經云過去空王佛眉間白毫相弥陀尊禮敬滅罪今得

佛取意大通空王前後亦何答異義不同今存一義空王為前有文理故所言理者看法華經先說最近日月燈明次宣少遠大通如來次明最遠空王如來後顯極遠釋迦又本從近至遠說相鉤鎖知空王前即其理也所言文者淨行經云釋迦昔於空王佛所受六重戒後值大通為其王子出家具持三百戒行比即其文也問若尔何故釋籤一云且指迹中大通為首比答彼釋意約於三周聲聞且

指結緣元始非是論佛出世前後二出家修道中沙門者如傳通記云法藏者梵云曇摩迦大彌陀經說翻名不同此經云法藏覺經云法寶藏寶積經云法處莊嚴經云作法大論云寶積又云法藏是則譯者異稱而已高才等者淨影云才德過人故曰高才志強名勇心明稱哲上已唐云才智也切韻云哲明知也三禮拜中誓首等者如論注記云四讚佛發願中亦四初明興讚方便次光顏下嘆佛功德

淨影義疏
上四下九
歎佛偈

三願我下明已所求四幸佛下請佛證知初文中頌者玄贊云梵云伽陀此翻為頌頌者美也歌也頌中文句極美麗故歌頌之故訛略云偈上已次歎佛中亦二初讚歎次人雄下結歎初文亦三先歎身業次正覺下歎口業三戒聞下歎意業初文中摠有十句初句摠讚身光高勝後之九句別顯上身光勝別中初七顯光明勝後之二句顯身相勝威神等者光發所依由威神故能放光明日月等者

比校顯勝玄一云日月皆以摩尼所成上已或
是日月與摩尼也餘文應知二口業中響流
等者大論三十云佛音聲所到無有限若如
對面上已然大論意秘密音聲無有有限量不密
音聲至佛邊聞三意業中亦有十句初之八
句是菩提德亦是智德後之二句是涅槃德
亦是斷德菩提德中初之四句明教行勝次
之四句讚證行深戒聞等者戒定慧業依多
聞生依精進成多聞是教戒定是行進慧通

二如是教行唯佛圓滿故云無侶問戒是色
法何攝意業答戒體雖有色心等諍心能導
戒故屬意業又憬興云戒即業體以思種故
聞精進等即業眷屬上已深諦等者依深諦觀
如來藏理證得菩提究盡法性故云究底又
憬興云深諦等者即後得智故云善念窮深
等者無分別智故云盡奧取無明等者三毒
即是諸惑之本舉本攝末又玄一云約根本
故約三毒明斷德問餘處中云貪瞋癡何故

此中無明為先，瞋為後。耶荅解處約起多少，而明次第謂貪數起瞋，次不共無明是瞋之次。今文中約本末而明次第，謂無明最本，故先說貪是次，謂通一切處故瞋。唯欲界上二結歎中，即有六句。初二摠結後，四別結別中。初句結向口業，化他功勳極廣大，故音流十方。次之一句結向意業，諸德皆是以智為主，故偏舉智。後之二句結向身業，此依淨影憬興，不介功勳已下二句，摠屬向意業結光明。

威相為身業，結震動大千為口業，結各據一義，並不相違。人雄師子者，玉云雌鳥母雄鳥父也。孝子云雄以辟尊，雌以喻卑。上佛各人雄，即於人中最雄健，故上云世雄亦其義也。或名師子，如大論云佛為人中師子。至乃師子獸中獨步，無畏能伏一切佛，亦如是於九十六種外道一切人天中降伏一切得無所畏。故上已功勳者，玄一云王功曰勳，國功曰功，民功曰庸，事功曰勞，治功曰力，戰功曰多，義寂

云積善之力名之為功破惡之庸稱以為勳
已智慧者義寂云慧謂簡擇智謂決斷已三
明已所求中亦三初求佛身次辭如下求淨
土三我當下求攝生初文亦三先上求菩提
二吾捨下下化衆生三假使下比較顯勝初
亦二先求佛果二布施下求佛因初文中過
度等者問過度解脫有何別耶答過度棄苦
解脫離業次求因中調意者淨影云修施除
慳名為調意憬興同之調意之言流至智慧下五

度可治五弊故必有調意今文無者舉初顯
後如是等者問為指上為指下耶答玄一云
指前四度名為如是已或指下文例如彼云
如是我聞為上者喜祥云五度為行不能出
離生死要須智慧達解本原方皆過出故云
最上也淨影同之今謂六度之中禪智為勝此止
觀法如鳥兩翅一闕不成如文云如來定慧
究暢無極已此佛德中就勝為語今亦如是
故玄一云如是四度以定慧為上首也已此

釋契文既如是下置三昧言豈除之耶問若
余何故金剛般若論云福不趣菩提二能趣
菩提上所言二者是般若故答彼論生了相
對今經勝劣相望所望不同不可一槩二下
化衆生中普行此願者玄一云行此願者如
次下云一切恐懼為作大安名為此願上問
成佛之後何行此願答所言普行非指果後
謂自今日至得佛果行此願也如憬興云舉
果求因故上三比較顯勝中無量大聖者問

為佛為僧上答淨影云初之二句舉其佛寶次
之二句舉其僧寶次之二句供僧供佛謂供
一切供養僧寶供斯諸佛供佛寶也後之二
句對願上比較上意取今謂不然言大聖者亦是佛
寶非舉僧寶故覺經云假使有百千億万那
行佛如是佛之數如恒河水沙上然上佛者
為簡餘衆下大聖者為譬恒沙故非重疊指
此諸佛云一切等何以一切別屬僧寶覺經
中既不舉僧寶今亦可余故又憬興云佛者

所供養大聖者能供養無量大聖雖供多佛
而有邊故不如求佛心不退還以無邊故上已
此亦不然夫校量法若有一人作此功德不
及彼善是名比較如法華布施校量般舟經
中供佛校量能施能供俱是一人若以多人
為能供者豈成比較設雖欲集功德多數可
增所供增於能供有何要乎况違覺經不足
依用但彼有邊無邊校量其義可然淨影亦
介又解興釋無失謂強為覓其功德多增能

供數有何過耶但覺經者且單舉彼所供之
數只是異譯不具而已况次下云一切皆供
養未必一人何忽云違或一切者可能供數
若所供者應言供養一切等故若言大聖亦
是佛者上既有佛以下一貫舉數可辟于恒
河沙重更舉佛有何要耶若言為足句者可
云無量無邊何云大聖知大聖言有其意也
但覺經文猶以難消文言明故謂一切言未
必多人又屬所供更無相違一切下有皆之
言故順此之兩義取捨隨意如恒沙者如事
上句故

讚記云求道等者指向上求下化願也却者
退也二求淨土中二初舉所起諸土次令我
下求能超自土初文中初之四句汎舉諸土
次之二句明其土佛放光莊嚴後之二句明
其土佛神通莊嚴精進等者憬興云其土佛
於彼土勲作化事故云精進現化等表故云
難量淨影二求自土中初之二句摠求最勝
謂於前所舉諸佛國土中我國第一矣次之
四句別求最勝於中初句明衆第一次一句

明成佛第一次之一句明樂第一後之一句
結衆佛樂而成國土第一義也其衆奇妙者
嘉祥云五通自在悉不退轉比準宗家者六
通自在云道場超絕者宗家釋觀經當座道
場文云因圓果滿道場之座豈賒比今亦可
亦指其佛果名道場也故嘉祥云亦是道樹
超勝亦可是修道速疾成佛故云超絕比國
如泥洹者憬興云如泥洹者快樂第一梵云
匿縛南唐云圓寂泥洹者訛略也彼土快樂

可次涅槃故以辟之上三求攝生中心悅清
淨者淨影云歸心純也上四請佛證中有十
二句依淨影者初之二句請自土佛為已作
證次之二句更興願心次之四句請十方佛
為已作證後之四句重起擔心幸佛等者淨
影云幸猶願也憬興同之真證等者淨影云佛證
不唐是故言佛是我真證義寂同之發願等者指
上法身淨土攝生之三願也問上來發願為
是惣願將為別願若惣願者既有攝身攝土

攝生正當六八若別願者四十八願初地所
發今是地前何云別願况彼別願於諸佛土
選擇攝取未見土前豈選擇耶答若依憬興
應是別類四十八願之略說故非今所用推
淨影意如一邊難容惣願攝未發六八故但
一邊難者雖有身土攝生之別只是淨佛國
土成就衆生分齊全非六八故惣願攝問若
余何云國土第一答對於化土求報淨土故
云第一然而未起諸佛報土故惣願攝又解

縱雖地前何無別願攝生願志故終遂志請其別願以是義故可別願攝忍終等者如事讚云一一諸佛從初發意至乃曾無退念上已初發尚余况十向乎上來地前發心已竟二佛告阿難下明地上發心中大分爲九初明法藏請說次佛語阿難下明如來返答三比丘白佛下明法藏重請四余時世自在下明如來爲說五時彼比丘下明聞法發心六如是修已下明詣佛說願七佛告阿難余時下明

立誓請證八佛告阿難法藏下明現瑞證誠九於是法藏下摠結誓願初請說中亦二先結前生後次唯然下正請中亦三初牒前起後次願佛下正請宣說三我當下彰已所求初文中我發等者淨影云向前偈中求身求土名發無上正覺之心此是則牒前地前發心起後地上發願而已次文可知三所求中亦有三別如淨影云初我當下是彰所行次攝取下是彰所成謂攝取等是所成土令我

於等是所成身後拔諸下彰所攝也取是則
正請地上別願願志在內請問顯外預有願
志故見土後撰擇身土攝生諸願佛國清淨
者是惣相當往生論清淨功德莊嚴無量者
是別相當經三種論十七也今無量者就廣
說耳拔諸生死等者淨影云拔生死者出生
死果拔歎苦本離生死因由因數受生死之
苦故名彼因為歎苦本憬興二如來返答中
世饒王者自在王佛異名而已憬興云饒者

即釋自在之言上汝所修行者指自分行三
法藏重請中斯義弘深等者淨影云影已不
知前佛據其自分所修導其自知法藏今就
勝進所習言非已境不相乖違弘謂大也此
前所請出世之行其義大深非我境界為是
得請興師亦許地上是則重請地上行也如
求淨土之行者淨影云偏求淨土之行身行
略無興師破云如來淨土即相違釋如其次
第身土行故上今私教云如來淨土即依主

釋非請菩薩之土故矣。四如來為說中亦二
初明說由次即為下正說初文可知次文亦
二初舉譬勵心次於是下說法現土初文中
譬如等者義寂云喻說意者生死海中妙覺
寶在有人發心志願為器欲盡其原雖煩惱
深廣劫數長遠若能至心精進求道中不止
息其所志願皆應得遂有何願事而不能得
懌興云會亦必也剋者遂也得也寂云會者
皆也。二說法現土中二百一十億等者問寶

積經云為其廣說二十一億清淨佛土莊嚴
經云八十四百千俱那由他佛刹已相違
如何答識謙兩譯皆同此經由多分者餘譯
不正天人之善惡等者淨影云天人善惡汎
辯一切諸土因國土粗妙汎宜一切諸土之
果懌興問所現佛刹為限淨土將通穢土若
限淨者既云麁惡識譏亦同知通穢土若通
穢者法藏請聞俱云淨土寶積亦云清淨佛
土答嘉祥云唯淨淨影懌興義寂三師俱云

通穢如玄一者說通淨穢現限淨土又說現
俱通淨穢土而初為勝云然今所用淨影等
也即淨影云說惡說塵令其捨離說善說妙
使其修習憬興同之寔知願中既有無三惡趣等
捨所見土中若無穢者以何而為選捨之士
故悲華中通現淨穢彼經二云或有世界嚴
淨妙好至乃或有世界有大火災上已即其證也
但淨土者法藏意在攝取淨國從之云淨寶
積亦尔不可相違問此中淨土報化中何答

可通報化故悲華說所現土云或有世界純
諸菩薩徧滿其國無有聲聞緣覺之名上已是
則報土又云或有世界清淨微妙無諸濁惡
上已是當化淨義寂云二百一十億諸佛刹土
者應其器量廣說諸刹此即通說受用變化
及淨穢土以穢土中有天人別淨土之中有
塵妙異塵即變化妙即受用上已但此師意天
人善惡摠屬穢土國土塵妙俱為淨土黑谷
不尔天人之惡國土之塵以為穢土天人之

善國土之妙以為淨土故選擇云選擇其有三惡趣鹿惡國土選取其無三惡趣善妙國土已上同但論註中皆對穢土而修起者且從強釋非遮化淨問法藏比丘未登地上何見報土答由佛力故如義寂云此時法藏雖未登初地然由佛力亦得暫見故已韋提凡夫猶依佛力感見報土况向滿乎悉現與之者問覺經云世饒王佛說經竟法寶藏菩薩便一其心則得天眼徹視悉自見二百一十

億諸佛國中諸天人民之善惡國土之好醜

大彌陀經同之

又大論云阿彌陀佛先世時作法藏

比丘時將導徧至十方示清淨國令選擇淨妙之國以自莊嚴其國已相違如何答經論異說不須和會或異譯經舉能見德非佛不現今舉佛現非無見德論顯將引設雖如來將導令至十方必有見德佛現之義有何相違問未登地上何備見德答如義寂云然此天眼非自力得由佛加力已問說土可足何

重現乎答聞說尚闇見質稍明欲明今選故
現與也五聞法發願中亦四初明聞法見土
次超發下明發勝願三阿難下問答決疑四
時法下結發願初文可知次發願中亦三初
正明發四十八願次其心下彰發願位三具
足下彰發願時初文中超發等者賢位見土
聖位發願故云超發如義寂云超發無上殊
勝願者正發願也此時既在解發心終於世
間中更無有上因此便能得入證位故云超

發無上殊勝願上已又超諸佛願故云超發相傳

義勢次文中其心等者發願何位即在初地為
顯此義云其心等謂證二空理絕眾相故云
寂靜四住已盡更斷無明故云無著今入初
地超地前境故云無及大師云初地已上雙
修福智人法兩空並是不可思議畧抄三文中
五劫等者發願幾時即經五劫為顯此義云
五劫等如莊嚴經云作法苾芻聞佛所說八
十四千俱那由他佛刹功德莊嚴之事明

了通達如一佛刹，即時會中頭面禮足拜佛，而退往一靜處獨坐，思惟修習功德嚴淨佛刹，發大誓願。經於五劫，詣如來言：如是佛刹功德莊嚴所行之願。上又義寂云：經具足五劫，思惟攝取至其佛壽命四十二劫。述曰：此即思惟成就其類。又云：經時法藏比丘至我已攝取莊嚴佛土清淨之行。述曰：此下第四如所思惟對佛宣願。上此釋順經最爲妙判，所以五劫攝取諸佛淨土行已，白佛所行佛

即勸說。尔時法藏說已所願四十八願，文相鈎鎖義理無違。以下說願校上淨行，即以發願而名行也。斯乃因位若願若行，揔以各行非是行願別論之意。例如十度行中，即有願波羅蜜起信論義記下云：皆因十度深行之熏。上即其例也。又顯要記清源云：彼佛往昔於世自在王如來所爲法藏比丘，請彼如來說諸佛淨土妙莊嚴行，於是具足五劫思惟攝取，乃發四十八願。上此師亦判發願之時，然

彼淨影法位玄一憬興等師判修行時非今所用如決疑鈔云問五劫思惟爲通六八爲局名号答有云思惟名号不通六八云此義非也以說願文校思惟文惣通六八故覺經云則選心所欲願便結得是二十四願經上思惟選擇云二十四豈限名号問聖種姓智不可思議於一念頃辯一切事何送五劫答本願深重豈容易耶釋尊尚有三七思惟况初地耶攝取等者如選擇集云三問答決疑

中四十二劫者淨影云問曰若彼得壽多劫劫盡之時居住何處而修行耶釋言餘人見其劫盡其法藏等見彼國土安穩不動故得起修與法華中衆生見劫盡大火所燒時我此土安穩天人常充滿其義相似上憬興破云此恐不然法華所說論自釋云報佛如來真實淨土即知彼土是他受用他受用佛壽必無量不可言四十二劫故今即四十二劫者蓋歲數劫故經五劫攝淨土行非劫盡也

大通佛壽不可數劫尚非淨土如四十二劫
可云淨土上此破未了如淨影者法華今經
淨穢雖異且引劫盡見不見邊與此類同釋
佛化又故云相似非以饒王即為報佛然彼
自義猶未盡理所以者何經上文云無央數
劫又下文云成佛已來凡歷十劫前後文既
非歲數劫中間今文何約歲數一是又五劫等
是歲數者法華論說歲數劫云劫有五種一
日二夜三月四月時五年云若余成佛已來劫

數唯十年耶上下之劫不可違故若言余者
不應理也二是又若言依小乘性相者俱舍論
云何故減百無佛出耶同也五濁極增難可化故
已準之五劫若五年者阿難不可致此疑問
佛出不減於百歲故三是又佛壽命四十二歲
者亦違性相減百出故四是以小乘一途性
相判一切者向難如何又依大乘大通佛壽
既以五百小劫也四十萬億那由他劫何妨今佛四
十二劫五是玄一同興亦招此難然義寂云凡

出世佛上不過八万下不減百歲云何得經
五劫思惟為決此疑故次問答所言佛出唯
八万時者此是迦多衍尼所說非是釋子通
方之論故大乘中不限八万由此故說其佛
壽命四十二劫淨土可也云何其穢土
中住劫增減位分決定云何得至四十二劫
所答也言住劫二十等者此據常途無佛時說若
佛出世由佛本願各差別故住世又近亦說
不同如樓至佛住賢劫半其餘諸佛又近不

定上此師意云若依大乘若依願力佛出時
分住世又近皆悉不定何故偏執一途性相
及無佛時定量一切故饒王佛四十二劫亦
未為難云如長阿含人壽八万四千歲時毗
婆尸佛出世成道又悲華經日光菩薩當來
人壽五十歲時成道号曰不思議光明佛當
來人壽三十歲時勝日光佛當出於世云此
說豈非八万已上百歲已下有佛出耶又立
世阿毗曇論九云長極八万短至十年若佛

不出世次第如此若佛出世正法住時衆生
壽命暫不減隨正法稍滅壽命漸減佛出世
世尊說如是我聞已依正法住劫猶不減况
佛住時劫不延乎又樓至佛住半賢者悲華
經云余時佛告特力捷疾言半賢劫有千四
佛出現於世特力捷疾言彼賢劫中至乃一千
四佛於半劫中出世涅槃正法滅已然後我
當成阿耨菩提至乃余時佛即讚特力捷疾言
至賢劫中至乃汝當成阿耨菩提号樓至如來

壽命半劫汝之所得聲聞弟子如千四佛所
有弟子等無差別所化衆生般涅槃後正法
滅已賢劫俱盡已問藥王藥上經云此中千
佛者俱留孫佛為首下至樓至如來今賢劫
中次第成佛佛名經大論同之何云一千五佛等耶
又樓至佛在第二十增劫出世故劫章頌云
乃後住劫欲終中樓至如來方出興已何云
半耶答經經異說不須和會四文可知六詣
佛說願中亦有三初明法藏演願次佛告下

明如來勸說三比丘白佛下明法藏說願初
文可知次勸說中汝今等者淨影云汝今可
說正勸宣說宜知是時催令速說發起悅等
明說所為為益諸眾故須宣說發起悅可一
切大眾為益凡夫二乘故說由彼法藏自說
已願令眾同喜願生其國名發悅可一切眾
矣菩薩聞下為益菩薩由彼法藏自說已願
令諸菩薩學之同發故云聞已修行此法滿
足大願聞已修行起願始也緣致滿等願心

成也大懽興法藏比丘五劫思惟發本願竟其
願在心誰能得知故佛勸催一一令說以益
五乘說雖在今聞傳來際故須說之

無量壽經鈔卷第二



正安第二天子庚九月下旬拭老眼清書之
留贈後見共期往生 沙門了慧 謹疏



270622

